



Broj: 11-19-11-2-1952/25

Datum: 11.12.2025. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24) i prijedloga Komisije za provođenje postupaka nabavke u skladu sa članom 8 Zakona o javnim nabavkama za 2025. godinu, v.d. direktor Federalne uprave policije, d o n o s i:

ODLUKU

o poništenju postupka „Nabavke vojne opreme“ - LOT 16

1. Prihvata se prijedlog Komisije za provođenje postupaka nabavke u skladu sa članom 8. Zakona o javnim nabavkama za 2025. godinu, u postupku Nabavke vojne opreme za LOT 16, te se isti poništava u skladu sa odredbama član 69 stav 1 tačka b) i člana 72 stav 3 stav d) Zakona o javnim nabavkama.
2. Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
3. Ova Odluka stupa na snagu danom donošenja.
4. Za izvršenje Odluke zadužuje se Sektor za finansije i javne nabavke.

OBRAZLOŽENJE

Od strane Federalne uprave policije proveden je postupak Nabavke vojne opreme za LOT 16, po obavještenju o nabavci broj 1412-3-1-170-3-109/25 od 20.6.2025. godine.

Procijenjena vrijednost nabavke iznosi 12.000,00 KM bez PDV-a.

Komisija za provođenje postupka Nabavke vojne opreme za LOT 16 je od Sektora za finansije i javne nabavke zaprimila Obavještenje broj 19-19/2-11-2-1952/25 od 08.12.2025. godine, da ponuđač KM TRADE d.o.o. Visoko, u propisanom roku, nije dostavio bankarsku garanciju, te se u skladu sa članom 5 Ugovora broj 11-19-11-2-1952-XVI/25 od 21.11.2025. godine, ugovor smatra apsolutno ništavim, te ne proizvodi nikakvo pravno dejstvo. Članom 72 stav 3 stav d) Zakona o javnim nabavkama propisano je da ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti da dostavi garanciju za izvršenje ugovora u skladu sa uslovima iz tenderske dokumentacije. Međutim, u ovom postupku za LOT 16 pristigla je samo jedna ponuda, zbog čega na rang-listi nema drugorangiranog ponuđača.

Zbog svega navedenog, a u skladu članom 69 stav 2 tačka b), Komisija je predložila poništenje postupka navedene nabavke za LOT 16, što je konstatovano u Zapisniku broj 11-19-11-2-1952/25 od 10.12.2025. godine.

Razmatrajući prijedlog Komisije v.d. direktor Federalne uprave policije donosi Odluku kao u dispozitivu.

Pouka o pravnom lijeku:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finansije i javne nabavke
- U spis

V.D. DIREKTOR
(Načelnik SKP-e)
GLAVNI INSPEKTOR

Enes Zeljković

